

## 有关劳动的诗

1.  
屋上春鸠鸣，村边杏花白。持斧伐远扬，荷锄觐泉脉。归燕识故巢，旧人看新历。临觞忽不御，惆怅远行客。——王维《春中田园作》

2.  
桃红复含宿雨，柳绿更带朝烟。花落家童未扫，莺啼山客犹眠。——王维《田园乐·其六》

3.  
梦中了了醉中醒。只渊明，是前生。走遍人间，依旧却躬耕。昨夜东坡春雨足，乌鹊喜，报新晴。雪堂西畔暗泉鸣。北山倾，小溪横。南望亭丘，孤秀耸曾城。都是斜川当日景，吾老矣，寄馀龄。——苏轼《江城子·梦中了了醉中醒》

4.  
交流四水抱城斜，散作千溪遍万家。深处种菱浅种稻，不深不浅种荷花。——阮元《吴兴杂诗》

5.  
滚滚长江东逝水，浪花淘尽英雄。是非成败转头空。青山依旧在，几度夕阳红。白发渔樵江渚上，惯看秋月春风。一壶浊酒喜相逢。古今多少事，都付笑谈中。——杨慎《临江仙·滚滚长江东逝水》

6.  
锄禾日当午，汗滴禾下土。谁知盘中餐，粒粒皆辛苦。——李绅《悯农二首·其二》

7.

板桥人渡泉声，茅檐日午鸡鸣。莫嗔焙茶烟暗，却喜晒谷天晴。——顾况《过山农家》

8.  
陶尽门前土，屋上无片瓦。十指不沾泥，鳞鳞居大厦。——梅尧臣《陶者》

9.  
炉火照天地，红星乱紫烟。赧郎明月夜，歌曲动寒川。——李白《秋浦歌》

10.  
涩滩鸣嘈嘈，两山足猿猱。白波若卷雪，侧足不容舠。渔子与舟人，撑折万张篙。——李白《下泾县陵阳溪至涩滩》

11.  
北山种了种南山，相互力耕岂有偏。愿得人间皆似我，也应四海少荒田。——王禹偁《畲田调·其四》

12.  
不论平地与山尖，无限风光尽被占。采得百花成蜜后，为谁辛苦为谁甜。——罗隐《蜂》

13.  
西风八九月，积地秋云黄。力田已告成，计日宜收藏。刈获须及时，虑为雨雪伤。农家终岁劳，至此愿稍偿。勤苦守恒业，始有数月粮。嗟彼豪华子，素餐厌膏粱。安坐废手足，嗜欲毒其肠。岂知民力艰，颗米皆琳琅。园居知风月，野居知星霜。君看获稻时，粒粒脂膏香。——黄燮清《秋日田家杂咏》

14.  
雨足高田白，披蓑半夜耕。人牛力俱尽，东方殊未明。——崔道融《田上》

15.

云阳上征去，两岸饶商贾。吴牛喘月时，拖船一何苦。水浊不可饮，壶浆半成土。一唱都护歌，心摧泪如雨。万人凿盘石，无由达江浒。君看石芒砀，掩泪悲千古。——李白《丁督护歌》

本文链接：<https://duanjuziku.com/duanjuzi/iejjet4nct.html>